

Ka mashinanitshet utshimau kie utshimau kaiatussesht

2014 tshitshue minupanu kie tshitshue nanatu-tshissenitakanu tipatshimun.

Ne DSO ka mishats atusseun (ka pipamautakanits ashinin) ka tashkatak kie ka tipenitak Tata Steel Minerals Canada (TSMC) kie passe ka tipenitak muk^u 20% NML eshk^u etatu pimipanu. Nenu tshitapatam^u tshetshi nutshikak ashininu nishpish 6.0 million tonnes peikupipuna nishpish anite 2016 nasht tshetshi mishue tshishats nishinakuanits kie tshetshi tshitautakanits.

Peikupipuna nasht pimipanu e ueshitakanits mitshuap nenu DSO atusseuena ka-tatamua ek^u shash tshitshue 80% kanapua shash tshishitakanu kie nitenitakanu tshetshi tshishapanits pitima pushkupipuna anita 2015. Ek^u tshishipananitshe etutakanits ashinin ui kutshitauts tshetshi tutats 4.2 million tonnes nasht tshetshi minupikupanitats. Eukuan iapets tsheshtanakanits kutak ashinin shash ka tshishi-tutakanua tshekat tshika nishpishiu 1.8 MTPY shash nishinakuan tshetshi tauakanits tanite shash mishue tshipa kuanakanu kie tshi uapapakanu 60 % assi minuau kie shash mishue ueueshitakanu tshetshi tshishtashinakanits nete TATA STEEL Europe tshetshi ka uatshitakanits pitima.

Kie, mishta-nanatuapapakanipan kie minu-uapapakanipan ashinin nenu Howse utashinin, kie nitenitakanu tshetshi nishpishats 1.5 MTPY nasht etenitakanits tshetshi atauatshepanits katshi ueshitakanitshi. Eshk^u etatu nete tshitshue tshika takuan

tipatshimun nete 2015. Mashinanikan tshika ueuepanu tshekat tshe uapapanut Howse nenu ka nanatu-tshissenitakanits assinu eshinakutakanits.

Ne Taconite Project Feasibility Study (TFS) ka nishinikatakanits nenu ka tutats atusseunnu tshitshue minupanitapanits nenu eshinakutats etatussets. Kie nenu eshi-atatussets anita nukuannits techno-economic component ka nishinikatenua anitshi ka tipenitats TFS uauitakanipan ume uinashku-pishimua kie tashinakanipan anita SEDAR ka nishinikatenua ume nissi-pishim. Tshitshue nimiruenitenai katshi uapatamautshits nenu eshi-atatussets anitshi kanuauitshinakunautshi kie etatu ka ui uauitsh-atusemaiats mishue tshishe-utshimauats. Innuats, ka uatataueutshiuapits auenitshi, kutakats ka mamishanuani utatusseunuaa kie iapits ka pashtanimatshi ushuniamaa nete ueish tshetshi etatu mushinau pimipapanits ume tshekuan atusseun ka-napimipapanitaua.

Shash tshishipanu e ui uitsh-atusemat NML nenua Taconite Projects tshetshi nisht pishtinaminits shuniannu nissishuetau mashinanikannu tshipa tutaminua e nishinakunits atusseunnu tshipa tutaminua kie tshipa natushtanua tshetshi uauitaminits nenu kutani nete mashitaninats.

Euk^u mashinanikan NML ka uauitak nenu eshi-kashkak tshekuannu eshi-atuset kie NML ka uauitshaushit nete neanish etaianits.

Robert Patzelt

Ka mishkakanitshi uipats tshekuana

Ume Uapikun-pishimua 4, 2014, nishipanits ka nutishanits mak nish^u innuats pipamuteapanits nete Lac Ninette, nene etatu iteshe 55' parallel of latitude ka nishinikateua nete Quebec. Ek^u mekuats e uauapatats kie e nanatuapatshets, Julia Andrews, Jonathan Remedios, Richard Sandy kie Noah Kabimbetas Mokoush mishkamushapanats uipats tshekuannu.

Nashtish anita ma nishinakuannu tshetshi anutshitshe nama tanitshi auennua. Katshinu pushikaiats passe assinu 4 cm e munakaiats patush nukuanits nenu ka-uinapanua kutakinu assinu unapatats nenu tshekuannu. Tshenuashkuannu nenu tshekuannu meshkats anite assits. Ka-uinapanua ka-ueshinakuanits assinu nau kashteu ka-ueshinakuats, kie nekau kie nenua ka apatshashuani ashinissa nau kutuan ka-ueshinakuats. Ka-uetuanitshe anita put uipats. Pishashun kie nekau anite takuan anite minashkuats, uaiu anite

nipissits kie shipits. Ma takuan anite kutak tshekuan tshetshi nana ma takuanits.

NML uitamupan Avataq Cultural Institute nenu tshekuan meshkats. Nitishimuakanipan iapats mashinanikannu Tshishe-utshimau Culture et des Communications du Québec.

Nitishumakanipan NML tshetshi ka nasht nitishauat auennua anita meshkakanits nenu tshekuannu, muk^u tshe eka nishi-tshitapakanu ne muk^u tshekuan ka-mishkakanua. Ek^u eshi-ueuetashitakanits, ne tshekuan meshkakanits nete nitishinakanu Direction of Archaeology and Museums nete ka takuats ka nakatuenitakanitshi tshekuana Québec City.

Kie nitishamupan NML mashinanikannu nenu mishue innu-utshimaua nenu tshekuannu meshkats kie tshekuannu ua tutakanits.



Point (~15 cm long)



View of the site



Discovery of round stones, sand and ash



Outcrop where the point was discovered

Takuts kata kaiatussesht

Ms. Sylvia Einish nishtam atushkuepan Schefferville Field Office, katshapuetasht ashinina nitatussepan anita shiship-pishuma 2012. Innu mak Naskapi kie patetats-tatushinua utauassima. Sylvia uapatamupan nasht ueshkats tshashipan etashkuat NML nenu ka nishiuet kie menu-tutak kie menu-katsheshkutamatshet nenu eshi-atusset. Ek^u anuts ueuetashut kie utshimaut nenu ka manashtashushinitshi kie mishue ka nakatuapamat kaiatusseshinitshi.



Sylvia Einish

NML ka uauitshaushit nete kueshtetshe ka taianits

Tshetshi ueshitan tshekuan atusseun meshats tshetshi minapanits, tshetshi minuenitakanits kie tshetshi mishue atushkatets, NML tapuetamupan tshetshi nasht mishue uitsh-atussemat nenu auenua ka patshitamininitshi shuniannu tshe nishtapak tshetshi tshishipanits nenu ka-mishanua atusseunnu. NML iapits ui ueueshitau tshetshi shitshimakanits uitsh-atussematuenu, ui ueueshitau tshetshi takuanitshi auenitshi uitsheuetuats atusseunits mamu kie tshetshi mamu kutakats pitakaiakanits nete mamu uauitakanitshi tshekuana kie nenu eshi-uapakanits tshekuannu. Shash mishta-tapuena, NML e nitapan nete mishue, kie nete passe kutaka katashkatamanuani nete neanish Quebec mak Labrador. Ek^u anuts u, NML tau anite, Minalliance; Mining Industry Newfoundland mak Labrador; Prospectors and Developers Association of Canada; St. John's Board of Trade; Réseau Environnement; Women in Mining Canada; Corporation de protection de l'environnement de Sept-Îles; Musée régional de la Côte-Nord; Newfoundland mak Labrador Environmental Industry Association; Restoration of Labrador Exploration Sites Inc; Table de concertation sur la qualité de l'air à Sept-Îles; Chambre de commerce de Sept-Îles; Comité ZIP Côte-Nord du Golfe; OBV Duplessis; Institut nordique de recherche en environnement et en santé au travail; Conseil régional de l'environnement de la Côte-Nord; Association minière du Québec; Association de l'exploration minière du Québec; Chambre de commerce de Montréal; Canadian Institute of mining; Metallurgy and Petroleum; CIM Sept-Îles; Canada Mining Innovation Council; Le conseil des relations internationales de Montréal; Fédération des chambres de commerce du Québec; Fraser Institute; mak International Iron Metallics Association Ltd.

Anutsh tipatshimun

- Ume Uapikun-pishimua 2014, NML uaueshitapan nenu eshinakanits assinu eshi-nutshikak kie nete tshekuana etushkatak. Shash peikunnupipuna Paul Wilkinson kie nenua kaiatusseshima, nenu kaiatusset NML utshimau ka nakatuapatak ashini kie nete tshekuana e takuanitshi, nakatamupan utatusseun. Muk^u tshika uauitshiu eshk^u nenua NML kie nenua kutaka nete PFWA.

- Nish^u PFWA nishtam kaiatusseshima, Brigitte Masella mak Mireille Pilotte, kie nenua peik^u kutaka kaiatessehinitshi, Talita Franco, uitsh-atussemakupanits tshetshi tshematats mamu nenu assinu ka nakatuapakanits kie ka tashkatakanitshi tshekuana iapits. Brigitte Masella enkuen kauishtashkuat utshimaua, assinu kanakatuapakanets kie katashkatakanatshi tshekuana kuetaka, shashnishunu pupuna essi atashkatum, mamu peikunnupipuna nete ka atusset iapats assinu kanakatuapatak. Mireille Pilotte eukan iapats ka utshimaut ka nishi-atusset assinu ka nakatuapatak mak Talita Franco ka nishi-atussenitshi kakusseshima ka uaueshitanitshi tshekuannu. Mireille Joncas mak André Maltais, uinuau ka tashkanushuts, eshk^u iapats tshika pimipanuats tshe atussets.

- Bish Chanda, utshimaua ka uitsh-atushkuat, mashinanikana kie ka ueueshitat tshekuannu, eukan aiatinamupan CIM MEMO 2014 ume ushkau-pishimua 11-13, 2014 nete Uashat, mekuats Brigitte Masella ka uitsh-atushkuat eiaiatanak nisht nenu 4th Annual Newfoundland mak Labrador mak Quebec Mining Forum kamamuitunanits ume uashtessiu-pishim^u 21-22, 2014 nete Labrador City. Robert Patzelt, utshimau kie mishta-kaiatussesht, NML kie Cathy Dornan, ka uitsh-atushkuat pitau-utshimau nete ka matuetaushinitshi, NML mak utshimau ka taianatshi kaiatusset, TSMC, tapan kie aianamupan nete ka nutashinits ka mamuits.

- Alexandra Rock, ka tshishkutamuat ka tuashinitshi nete nenua Malietenam Peewee team kie ka metuesht nete Class B division, uitshitshapan nete shakuanits 2014 kapapamashkuanitshits kametuanits nete Trois-Rivières mamu ukussa ka uitsheuat Wesley. Mishue e nishits kaniuts nenu kametuets. NML tshe minuenitamupan minuet tshekuannu nenu ka naniuenitshi nenua Malietenam hockey team.



Alexandre Rock and son

Malietenam hockey team